

**UMTHETHO WESIBILI (2) WONYAKA KA 2019  
WEGUNYA LEZOKUTHUTHA EGAUTENG**

**UMNYANGO WEZEMIGWAQO NEZOKUTHUTHA  
ESIFUNDAZWENI SASEGAUTENG**

**ISAZISO: UHLELO LOKUTHUTHA  
OLUZOLANDELWA LWE-GAUTENG (STRATEGIC  
TRANSPORT PLAN) SELUGUNYAZIWE**



Ilungu loMkhandlu Ophethe (MEC) eliphathiswe ukunakekela Ezemigwaqo Nokuthutha eSifundazweni saseGauteng linikeza isaziso ngokuvumelana nesigaba 7(14) soMthetho Wokuphathwa Kwezokuthutha ka-2019 (uMthetho No 2 ka-2019) sokuthi Uhlelo Lokuthutha Oluzolandelwa [Strategic Transport Plan] (STP) lwe-Gauteng luye lwagunyazwa futhi lapha lushicilelwa ngokusemthethweni.

**Injongo Yohlelo Lwezokuthutha Oluzolandelwa**

Ngokuvumelana neSigaba 7(3) - (4) soMthetho, Uhlelo Lokuthutha Oluzolandelwa:

- Luhlinzeka ngohlaka lokuhlela oluzolandelwa ngokwakhiwa kwengqalasizinda yezokuthutha kanye nezinsizakalo (services) ngaphakathi eGauteng;
- Luqondisa futhi luxhumanise ukwakhiwa kwangesikhathi esizayo kohlelo lwezokuthutha lwesifundazwe enkathini engengaphansi kweminyaka engu-5 nokho engeqeli ngale kweminyaka engu-15;
- Lusekela uhlelo olubumbene kubo bonke omasipala, imikhandlu ephethe ezokuthutha komphakathi, abasebenza ngezokuthutha, abazisebenzisayo neminye imikhakha kahulumeni.
- Lunikeza ibalazwe-siqondiso lotshalo-mali, uhlelo lokusebenza, ukuxhumanisa izinhlobo ezihlukahlukene zezithuthi, ukuthuthukisa ingqalasizinda, ukulawulwa kwezithuthi, imiphumela yohlelo lwezithuthi lwesikhathi eside eGauteng.

**Amasu okuzogxilwa kuwona e STP egunyaziwe**

Phakathi kokunye, uhlelo olugunyaziwe luhlinzeka ngalokhu:

- a) Ukuthuthukisa nokwenza kube nokusebenzisana phakathi kwezinhlobo eziningi zezithuthi;
- b) Ukuthuthukiswa kwezithuthi zomphakathi nokusebenzisana kwamasistimu;
- c) Ukulawula ngokuphathelene nezinto ezidingekayo ngezithuthi, ukuzenza zisebenziseke kuzo zonke izigaba nezizinda zabantu kanye nokuthuthukiswa kokuphepha kwezithuthi;
- d) Ukwandisa nokuthuthukisa ingqalasizinda kanye nokubhekela ukulungiswa kwezithuthi nemigwaqo (maintenance prioritisation) njengento ebaluleke kakhulu;
- e) Ukuhlela nokulawula ukuthuthwa kwempahla ngempumelelo kanye nemigwaqo esetshenziselwa ukuthuthwa kwempahla;
- f) Ukusebenzisana kwemikhandlu elawula ezokuthutha nokubambisana ekulawuleni izithuthi kuyo yonke imikhakha kahulumeni (spheres of government);
- g) Ukusimama, imiqondo ethuthukisiwe, nezinguquko zesikhathi eside zohlelo lwezokuthutha.

**Umthetho Nalesi Saziso**

Le ncwadi iyahlangabezana nesidingo sesigaba 7(14) soMthetho ka-2019 Womkhandlu Ophethe Ezokuthutha Wase-Gauteng, obophezela ngokusemthethweni Ilungu loMkhandlu Ophethe eliphathiswe lo mthwalo ukuba lishicilele Uhlelo Lwezokuthutha Oluzolandelwa olugunyaziwe kuSomqulu weSifundazwe futhi uthatha lezo zinyathelo njengoba zifaneleka futhi zidingekile ukuze lolu Hlelo luqale ukusetshenziswa

Ngakho-ke uHlelo Lwezokuthutha Oluzolandelwa (Strategic Transport Plan) seluyasebenza ngokusemthethweni kusukela osukwini okushicilelwe ngalo lesi saziso.

**Usuku Oluqala Ukusebenza Ngalo**

UHlelo Lwezokuthutha Oluzolandelwa lwase-Gauteng luqala ukusebenza ngosuku lokushicilelwa kwalesi saziso kuSomqulu WeSifundazwe Sase-Gauteng.